

Cando a distancia dende a conexión coa rede xeral ata o límite da propiedade do solicitante supere os 20 metros, o custo a maiores correrá ao cargo do particular.

Art 8. Devindicación.

1. Devindícase a taxa pola acometida e nace a obriga de contribuír cando se inicie a actividade municipal que constitúe o feito imponible.

A estes efectos, considerase iniciada na data de presentación da solicitude de autorización de enganche á rede de saneamento, no suposto de que o suxeito pasivo a formulase expresamente.

No suposto de que a conexión se realizase sen a oportuna autorización, a taxa devindicarase cando se inicie efectivamente a actividade municipal conducente a determinar se a conexión é posible, sen prexuízo da iniciación do expediente administrativo que poida instruírse para a súa autorización.

2. A cota tributaria pola evacuación de excretas, augas negras, residuais e pluviais mediante a utilización da rede de sumidoiros municipais e súa depuración, devindícase o primeiro día de cada trimestre natural. Nos casos de alta nace a obriga de contribuír igualmente no primeiro día do trimestre en que sexa realizada á acometida e o enganche.

Art. 9º. Normas de xestión e xestión tributaria.

Cando se coñeza, de oficio, ou ben por comunicación dos interesados, calquera variación dos datos que figuran dados de alta como contribuíntes, levaranse a cabo as modificacións correspondentes, que terán efectos a partir do período de cobranza seguinte ó da data na que se efectuou a declaración.

O cobro das cotas farase trimestralmente, mediante o correspondente recibo, en período voluntario durante os dous meses naturais completos seguintes á data de expedición deste. Transcorrido este período procederase ó cobro das cotas en vía de prema.

A xestión tributaria das cotas derivadas das actuacións de autorizacións de acometidas efectúase mediante liquidación tributaria xirada de oficio pola administración.

A xestión tributaria das cotas derivadas do servizo de saneamento e depuración efectuarase mediante a aprobación de padróns trimestrais.

Estes padróns terán a natureza de liquidacións tributarias colectivas, notificándose colectivamente no xeito establecido pola lexislación tributaria vixente.

Os padróns da taxa pola prestación do servizo de poderán xestionarse conxuntamente cos padróns das taxas pola prestación do servizo de abastecemento de auga potable recollida e de xestión de residuos.

Art. 10º. Infraccións e sancións.

En materia de infracción e as súas correspondentes sancións estarase ó disposto da Lei Xeral Tributaria, artigos 77 e seguintes, e demais normativa aplicable.

Disposición final.

A presente ordenanza foi aprobada polo Pleno da Corporación na sesión celebrada o día 15 de maio do 2025; entrará en vigor unha vez sexa publicada no Boletín Oficial da Provincia e comenza a aplicarse có último trimestre do ano 2025; permanecendo en vigor ata a súa modificación ou derogación expresa.

Disposición derogatoria.

A presente Ordenanza fiscal, aprobada provisionalmente polo Pleno da Corporación en sesión celebrada o 15/05/2025 e que quedou de feito aprobada en data 09/07/2025, entrará en vigor ao día seguinte ao de publicación no Boletín Oficial de Lugo e rexerá ata a súa modificación ou derogación expresa.”

Xermade, 22 de xullo de 2025.- O alcalde, Roberto García Pernas.

R. 2143

Anuncio

Aprobación definitiva da ordenanza fiscal nº 5, reguladora da taxa pola prestación do servizo de xestión de residuos municipais do Concello de Xermade. Expte. 348/2025

Non presentándose alegacións no prazo de exposición pública, enténdese definitivamente aprobada a modificación da ordenanza fiscal reguladora da taxa pola prestación do servizo de xestión de residuos municipais do Concello de Xermade, publicándose o seu texto íntegro, en cumprimento do disposto no artigo 49 da Lei 7/1985, do abril, facendo constar que contra a aprobación definitiva da ordenanza poderá interpoñerse recurso contencioso-administrativo no prazo de dous meses contados a partir da data de publicación das mesmas no Boletín Oficial da Provincia.

Asemade, queda derogada a ordenanza publicada no BOP n.º 299 o 31.12.2019.

“ORDENANZA FISCAL NÚM. 5, REGULADORA DA TAXA POLA PRESTACIÓN DO SERVIZO DE XESTIÓN DE RESIDUOS MUNICIPAIS DO CONCELLO DE XERMADE. EXPTE. 348/2025

Artigo 1.- Fundamento e natureza.

Ao amparo do previsto nos artigos 57 e 20.4.s) do texto refundido da Lei Reguladora das Facendas Locais aprobado por Real Decreto Lexislativo 2/2004, do 5 de marzo (TRLRHL), de conformidade co disposto nos artigos 15 a 19 deste texto legal e a Lei 7/2022, do 8 de abril, de residuos e chans contaminados para unha economía circular, o Concello establece as taxas polos servizos de recollida, transporte e tratamento dos residuos municipais, que se rexerán por medio de Ordenanza.

Con esta regulación dáse cumprimento á esixencia legal de establecer unhas taxas específicas, diferenciadas e non deficitarias.

1.- Taxa polo servizo de recepción obrigatoria de recollida, transporte e tratamento de residuos domésticos.

Artigo 2.- Feito imponible.

1. Constitúe o feito imponible da taxa o servizo de recepción obrigatoria de recollida, transporte, valorización e eliminación de residuos domésticos, así como do resto de actuacións que engloban o concepto de xestión de residuos establecido no artigo 2.n) da Lei 7/2022.

2. Este servizo resulta de recepción obrigatoria.

3. Considéranse residuos domésticos:

a) Os residuos perigosos ou non perigosos xerados nos fogares como consecuencia das actividades domésticas.

b) Os xerados en servizos e industrias, de composición e cantidades similares aos definidos como domésticos, que non se xeraron como consecuencia da actividade propia do servizo ou industria.

c) Os restos vexetais e sucidade na vía pública xerados en solares sen edificar: parcelas en solo urbano non consolidado ou parcelas en solo urbanizable con Plan Parcial aprobado.

En concreto, inclúense nesta categoría todos aqueles residuos definidos como domésticos no artigo 2 da Lei 7/2022, excepto os procedentes da limpeza da vía pública, consonte ao previsto no artigo 21.1.e) do TRLRHL.

Artigo 3.- Suxeitos pasivos.

Son suxeitos pasivos desta taxa, todas as persoas físicas o xurídicas e as Entidades, que ocupen ou utilicen as vivendas e locais situados nos lugares, prazas, rúas ou vías públicas en que se preste o servizo, xa sexa a título de propietario ou de usufrutuario, habitante, arrendatario, ou, incluso, de precario.

Terá a consideración de suxeito pasivo substituto do contribuínte, o propietario das vivendas ou locais, que poderá repercutir, no seu caso, as cotas satisfeitas sobre os usuarios daquelas, beneficiarios do servizo.

Artigo 4.- Responsables e sucesores.

1. Son responsables tributarios as persoas físicas e xurídicas determinadas como tales na Lei Xeral Tributaria e na Ordenanza Xeral.

2. A derivación de responsabilidade requirirá que, previa audiencia do interesado, dítese acto administrativo, nos termos previstos na Lei Xeral Tributaria.

3. As obrigas tributarias pendentes esixíranse aos sucesores das persoas físicas, xurídicas e entidades sen personalidade, nos termos previstos na Lei Xeral Tributaria e na Ordenanza Xeral.

Artigo 5.- Cota tributaria.

1. A cota tributaria consistirá nunha cantidade fixa, que se esixirá por unidade de inmovible, en función da súa natureza, de acordo con as seguintes tarifas:

Tarifa 1. Por cada vivenda	100,00 €
Tarifa 2. Por cada local comercial inactivo	100,00 €
Tarifa 3. Por cada local destinado a usos privados	100,00 €
Tarifa 4. Por cada solar sen edificar	100,00 €
Tarifa 5. Por cada local industrial e comercial (só residuos domésticos)	100,00 €

Enténdese por vivenda o inmovible destinado a domicilio particular de carácter familiar; por local comercial inactivo aquel no que xa non se leva a cabo a actividade comercial e só se xeran residuos domésticos; por

local destinado a usos privados aquel dedicado a aparcamento, almacén ou rocho; por solar sen edificar, a parcela en solo urbano non consolidado e a parcela en solo urbanizable con Plan Parcial aprobado; e por locais industriais e comerciais, unicamente aqueles que xeren residuos de composición e cantidades similares aos definidos como domésticos, que non se xeraron como consecuencia da actividade propia do servizo ou industria.

Cando distintas propiedades rexistras e/ou catastrais se unan fisicamente para destinalas a un único inmovible ou destino, tributarán como un só inmovible.

Cando unha soa propiedade rexistral e/ou catastral estea dividida fisicamente en varias unidades, tributarase independentemente por cada inmovible diferenciado.

3. Aplicaranse as seguintes bonificacións sobre a cota:

a) Unha bonificación do 10,00 por cento no caso de que se acredite a autoxestión dos restos orgánicos a través de compostaxe doméstica.

b) Unha bonificación do 10 por cento pola prestación do servizo en vivendas cando se acredite que os ingresos da unidade familiar non superan o importe do Indicador Público de Renda de Efectos Múltiples (IPREM).

A concorrencia dos requisitos para poder gozar destas reducións terá que acreditarse antes do 1 de marzo do ano de pagamento.

O importe de todas as reducións non poderá superar en ningún caso o 20 por cento da cota.

Artigo 6.- Retribución.

1. Retribúese a taxa e nace a obriga de contribuír dende o momento en que se inicie a prestación do servizo, entendéndose iniciada, dada a natureza de recepción obrigatoria deste, cando estea establecido e en funcionamento o servizo municipal de recollida domiciliaria de lixo nas rúas ou lugares onde figuren as vivendas ou locais utilizados polos contribuíntes suxeitos á taxa.

2. Establecido e en funcionamento o referido servizo, as cotas pagaranse o primeiro día de cada trimestre natural.

No caso de primeiro establecemento, ou se a retribución da taxa se produce con posterioridade á dita data, a taxa pagarase o primeiro día do trimestre seguinte.

Artigo 7.- Normas de xestión.

1. Dentro dos trinta días hábiles seguintes á data na que se retribúa por vez primeira a taxa, os suxeitos pasivos formalizarán a súa inscrición en matrícula, presentando ó efecto a correspondente declaración de alta e ingresando simultaneamente a cota do primeiro trimestre.

2. Nos tributos de cobro periódico por recibo, unha vez notificada a liquidación correspondente á alta na respectiva matrícula, poderán notificarse colectivamente as sucesivas liquidacións mediante edictos que así o advirtan.

Non obstante, cando se verifique por parte do servizo administrativo correspondente que a vivenda pode ser habitada, procederase de oficio a dar de alta a vivenda no correspondente Padrón, sen prexuízo de que se poida instruír expediente de infraccións tributarias.

3. Cando se coñeza, xa de oficio ou por comunicación dos interesados, calquera variación dos datos figurados na matrícula, levaranse a cabo nesta as modificacións correspondentes, que terán efectos a partir do período de cobranza seguinte ó da data en que se efectuou a declaración.

4. O cobro das cotas efectuarase trimestralmente mediante recibo derivado da matrícula, en período voluntario durante os dous meses naturais completos seguintes á data de expedición do recibo. Transcorrido este período procederase ó cobro das cotas en vía de prema.

II.- Taxa polo servizo, de recepción voluntaria, de recollida, transporte e tratamento dos residuos comerciais.

Artigo 8.- Feito imponible.

1. Son servizos municipais complementarios, susceptibles de ser prestados polo sector privado autorizado para a prestación do servizo, nos termos previstos na normativa vixente en materia de residuos, a recollida, transporte e tratamento dos residuos comerciais.

2. Constitúe o feito imponible da taxa polo servizo de xestión de residuos comerciais, a prestación dos servizos de recollida, transporte e tratamento de residuos comerciais non perigosos, así como o resto de actuacións que engloban o concepto de xestión de residuos segundo o artigo 2 da Lei 7/2022.

3. Para estes efectos, terán a consideración de residuos comerciais os xerados pola actividade propia do comercio, polo miúdo e por xunto, dos servizos de restauración e bares, das oficinas e os mercados, así como do resto do sector servizos.

Artigo 9.- Suxeitos pasivos.

1. Son suxeitos pasivos contribuíntes da taxa, cuxo feito imponible defínese no artigo 8 desta Ordenanza, as persoas físicas ou xurídicas e as entidades a que se refire o artigo 35.4 da Lei Xeral Tributaria que:

a) Soliciten a prestación do servizo.

b) Resulten especialmente beneficiadas ou afectadas pola prestación do servizo.

2. Para estes efectos, os titulares de actividades que xeren residuos comerciais que desexen utilizar un sistema de xestión dos residuos diferente ao establecido polo Concello, están obrigados a acreditar que teñen contratado cun xestor autorizado a xestión da totalidade dos residuos que produza a actividade correspondente. Esta acreditación deberá efectuarse, no prazo dun mes, a contar desde a entrada en vigor desta ordenanza, no caso de que se estivese levando a cabo a actividade, ou desde o inicio da actividade xeradora do residuo, se este tivo lugar con posterioridade a dita entrada en vigor.

Para exercicios sucesivos, esta acreditación deberá efectuarse antes do 1 de febreiro de cada ano.

3. No caso de que non se acredite no prazo indicado, o Concello considerará que o titular da actividade xeradora destes residuos comerciais acóllese ao sistema de recollida, transporte e tratamento que ten establecido a corporación e, por tanto, terá este a condición de suxeito pasivo da taxa aquí regulada.

4. Terá a consideración de suxeito pasivo substituto do contribuínte o propietario dos locais onde se sitúe a actividade xeradora dos residuos, quen poderá repercutir, no seu caso, as cotas satisfeitas sobre os usuarios, que son os beneficiarios do servizo, tal e como dispón o artigo 23.2 do TRLRHL.

Artigo 10. Responsables e sucesores.

1. Son responsables tributarios as persoas físicas e xurídicas determinadas como tales na Lei Xeral Tributaria e na Ordenanza Xeral.

2. A derivación de responsabilidade requirirá que, previa audiencia do interesado, dítese acto administrativo, nos termos previstos na Lei Xeral Tributaria.

3. As obrigacións tributarias pendentes esixíranse aos sucesores das persoas físicas, xurídicas e entidades sen personalidade, nos termos previstos na Lei Xeral Tributaria e na Ordenanza Xeral.

Artigo 11.- Cota tributaria.

1. A cota tributaria consistirá nunha cantidade fixa, que se esixirá por unidade de inmovible, en función da súa natureza e destino de acordo coas seguintes tarifas:

	Importe ano(€)	Importe trimestre(€)
1. DESPACHOS PROFESIONAIS		
Por cada oficina ou despacho profesional	200,00	50,00
2. ALOXAMENTOS		
Hoteis, moteis, hoteis-apartamentos de cinco e catro estrelas, por cada 20 prazas ou fracción	200,00	50,00
Hoteis, moteis, hoteis-apartamentos e hostais de tres e dúas estrelas, por cada 20 prazas ou fracción	200,00	50,00
Hoteis, moteis, hoteis-apartamentos e hostais dunha estrela, por cada 20 prazas ou fracción	200,00	50,00
Pensións e casas de hospedaxe, por cada 20 prazas ou fracción	200,00	50,00
Campamentos turísticos	200,00	50,00
Casas rurais e de colonias	200,00	50,00
Vivendas destinadas ao alugueiro turístico	200,00	50,00
3. ESTABLECEMENTOS COMERCIAIS		
Grandes superficies	200,00	50,00
Supermercados, economatos e cooperativas de alimentación	200,00	50,00
Mercados	200,00	50,00

Establecementos e almacéns ao por maior	200,00	50,00
Establecementos de comercio ao detalle	200,00	50,00
4. SERVIZOS DE ALIMENTACIÓN		
Restaurantes	200,00	50,00
Cafeterías, bares, chocolaterías, horchaterías	200,00	50,00
Establecementos de catering e comidas para levar	200,00	50,00
5. SERVIZOS SANITARIOS E VETERINARIOS		
Hospitais e clínicas de medicina humana	200,00	50,00
Consultas e centros médicos de medicina humana	200,00	50,00
Consultas e clínicas veterinarias	200,00	50,00
6. ASISTENCIA E SERVIZOS SOCIAIS		
Establecementos residenciais para persoas maiores, menores e outros colectivos	200,00	50,00
Establecementos non residenciais	200,00	50,00
7. SERVIZOS EDUCATIVOS E INVESTIGACIÓN		
Centros educativos de ensinanza regrada e formación profesional	200,00	50,00
Colexios maiores e residencias de estudantes	200,00	50,00
Centros de investigación científica e técnica	200,00	50,00
Altos establecementos de ensinanza	200,00	50,00
8. ESTABLECEMENTOS RECREATIVOS, CULTURAIS E DEPORTIVOS		
Cines e teatros	200,00	50,00
Museos e exposicións	200,00	50,00
Salas de festa, discotecas, casinos, bingo	200,00	50,00
Parques de ocio, de atraccións, pistas de patinaxe e feiras	200,00	50,00
Establecementos de apostas deportivas, loterías e outros xogos	200,00	50,00
Instalacións deportivas	200,00	50,00
9. ESTABLECEMENTOS DE SERVIZOS PERSOAIS		
Lavanderías, tinturarias e similares	200,00	50,00
Arranxo de roupa	200,00	50,00
Salóns de perruquería, beleza e estética	200,00	50,00
Servizos de pompas fúnebres	200,00	50,00
10. REPARACIÓNS		
Talleres de reparación de vehículos	200,00	50,00
Talleres de reparación doutros tipos de artigos	200,00	50,00
11. OUTROS LOCAIS MERCANTÍS OU DE SERVIZOS		
Oficinas de institucións financeiras e de seguros	200,00	50,00

Oficinas de servizos relativos á propiedade inmobiliaria	200,00	50,00
Axencias de viaxes	200,00	50,00
Garda e custodia de vehículos	200,00	50,00
Gasolineiras	200,00	50,00
Outros locais non expresamente tarifados	200,00	50,00

Enténdese por local comercial o que se destina ao desenvolvemento de actividades comerciais ou de prestación de servizos.

Cando diferentes propiedades rexistrais e/ou catastrais se unan fisicamente para destinalas a un único local comercial ou destino, tributarán como un só local comercial.

Cando unha soa propiedade rexistral e/ou catastral estea dividida fisicamente en varias unidades, tributarase independentemente por cada local comercial diferenciado.

2. Aplicarase unha redución sobre a cota do 10 por cento no caso de que se acredite a utilización do punto limpo móbil municipal no período impositivo anterior cun mínimo de 10 achegas anuais, circunstancia que deberá acreditarse antes do 1 de marzo do ano de pagamento.

Artigo 12.- Bonificacións

Ao amparo do disposto no artigo 24.6 do TRLRHL, gozarán dunha bonificación do 10,00 por cento da cota íntegra da taxa pola prestación do servizo de recollida de residuos sólidos urbanos aquelas empresas de distribución alimentaria e de restauración que, á data de pagamento desta taxa, teñan establecidos, con carácter prioritario, en colaboración con entidades de economía social sen ánimo de lucro, sistemas de xestión que reduzan de maneira significativa e verificable os residuos alimentarios.

Para gozar da devandita bonificación, que ten carácter rogado, os interesados deberán solicitala antes do 1 de marzo do ano para o que se solicite, acompañada da seguinte documentación:

a) Documentación acreditativa e explicativa dos sistemas de xestión implantados co fin de reducir os residuos alimentarios.

b) Identificación das entidades de economía social sen ánimo de lucro que colaboren na aplicación destes sistemas.

Co fin de verificar o funcionamento dos sistemas establecidos polas devanditas empresas, o Concello deberá emitir un informe valorativo a partir da documentación achegada pola entidade solicitante.

Artigo 13.- Retribución.

1. Retribúese a taxa e nace a obriga de contribuír dende o momento en que se inicie a prestación do servizo, entendéndose iniciada, dada a natureza de recepción obrigatoria deste, cando estea establecido e en funcionamento o servizo municipal de recollida domiciliaria de lixo nas rúas ou lugares onde figuren as vivendas ou locais utilizados polos contribuíntes suxeitos á taxa.

2. Establecido e en funcionamento o referido servizo, as cotas pagaranse o primeiro día de cada trimestre natural.

No caso de primeiro establecemento, ou se a retribución da taxa se produce con posterioridade á dita data, a taxa pagarase o primeiro día do trimestre seguinte.

Artigo 14.- Normas de xestión.

1. Dentro dos trinta días hábiles seguintes á data na que se retribúa por vez primeira a taxa, os suxeitos pasivos formalizarán a súa inscrición en matrícula, presentando ó efecto a correspondente declaración de alta e ingresando simultaneamente a cota do primeiro trimestre.

2. Nos tributos de cobro periódico por recibo, unha vez notificada a liquidación correspondente á alta na respectiva matrícula, poderán notificarse colectivamente as sucesivas liquidacións mediante edictos que así o advirtan.

3. Cando se coñeza, xa de oficio ou por comunicación dos interesados, calquera variación dos datos figurados na matrícula, levaranse a cabo nesta as modificacións correspondentes, que terán efectos a partir do período de cobranza seguinte ó da data en que se efectuou a declaración.

4. O cobro das cotas efectuarase trimestralmente mediante recibo derivado da matrícula, en período voluntario durante os dous meses naturais completos seguintes á data de expedición do recibo. Transcorrido este período procederase ó cobro das cotas en vía de prema.

Artigo 15.- Infraccións e sancións.

Polo que respecta ás infraccións e sancións tributarias que, en relación coas taxas reguladas nesta Ordenanza, resulten procedentes, aplicárase o disposto na Lei Xeral Tributaria e na Ordenanza Xeral.

Disposición Adicional. - Modificación dos preceptos da ordenanza e das referencias que fai á normativa vixente, con motivo da promulgación de normas posteriores.

Os preceptos desta Ordenanza fiscal que, por razóns sistemáticas reproduzan aspectos da lexislación vixente e demais normas de desenvolvemento, e aqueles en que se fagan remisións a preceptos da mesma, entenderase que son automaticamente modificados e/o substituídos, no momento en que se produza a modificación dos preceptos legais e regulamentarios de que levan causa.

Disposición final.

A presente Ordenanza fiscal, aprobada provisionalmente polo Pleno da Corporación en sesión celebrada o 15/05/2025 e que quedou de feito aprobada en data 09/07/2025, entrará en vigor ao día seguinte ao de publicación no Boletín Oficial de Lugo e rexerá ata a súa modificación ou derogación expresa.”

Xermade, 22 de xullo de 2025.- O alcalde, Roberto García Pernas.

R. 2144

XOVE*Anuncio***SELECCIÓN COMO FUNCIONARIO DE CARREIRA DUNHA PRAZA DE ENCARGADO/A BRIGADA DE OBRAS E MANTEMENTO MUNICIPAL NO CONCELLO DE XOVE, POLO SISTEMA DE CONCURSO-OPOSICIÓN**

Por Decreto de Alcaldía 2025/1382 de 22 de xullo de 2025, aprobáronse as bases reguladoras da convocatoria para a selección e provisión, como funcionario de carreira dunha praza de arquitecto técnico, polo sistema de concurso - oposición, que a seguir se transcriben na súa integridade:

“CONVOCATORIA E BASES REGULADORAS DA CONVOCATORIA PARA A PROVISIÓN, COMO FUNCIONARIO DE CARREIRO, DUNHA PRAZA DE ENCARGADO/A XERAL DE OBRAS DA ESCALA DE ADMINISTRACIÓN ESPECIAL, POLO SISTEMA DE CONCURSO-OPOSICIÓN LIBRE**1.- OBXECTO DA CONVOCATORIA.**

O obxecto desta convocatoria é proceder a convocar o proceso selectivo para a provisión como funcionario/a de carreira dunha praza de Encargado xeral de obras, pertencente á escala de Administración Especial, polo sistema de concurso-oposición Libre; logo de terse asinada a Resolución de Alcaldía 2023/0984 pola que se aproba a Oferta de Emprego Público do concello de Xove para o ano 2023 publicada no BOP nº 197 de 28.08.2023.

2.- CARACTERÍSTICAS DA PRAZA.

GRUPO: C1

NÚM. DE VACANTES: 1

DENOMINACIÓN: ENCARGADO XERAL DE OBRAS. A praza atópase encadrada no Grupo C, Subgrupo C1 (art. 76 RDL 5/2015, de 30 de outubro), Escala de Administración Especial, Subescala de Servizos Especiais (Art. 167 e seguintes do RDL 781/1986, de 18 de abril).

A mencionada praza atópase dotada no Orzamento vixente.

COMETIDO FUNCIONAL:

- Realización das funcións propias da praza consonte á titulación esixida organizando e distribuindo os traballos entre o persoal subordinado así como a súa supervisión e control, así como outras que, dentro da súa competencia, podan ser encomendadas polos órganos competentes do Concello en calquera dos servizos deste. Con carácter particular, as seguintes:

- Inspeccionar o estado da vía pública, parques e xardíns públicos, mobiliario urbano, zonas verdes, áreas recreativas, alcantarillado, alumeadado público e en xeral, das instalacións, infraestruturas e edificios municipais ou dos que non sendo municipais, o seu mantemento sexa a cargo do Concello (C.E.I.P.) encargándose de que se executen as tarefas de mantemento e conservación precisas.

- Responsabilizarse do seguemento das obras en coordinación cos encargados dos distintos servizos municipais así como asumir a responsabilidade e seguemento de aquelas obras que sexan executadas por terceiros contratados polo Concello, verificando a súa finalización no prazo que corresponda.